

畿

輔

安

瀾

志

畿輔安瀾志

唐河卷上

原委

故道

附載

唐河卷下

隄防

橋渡

祠廟

水利

畿輔安瀾志

唐河卷上

原委

唐河古滏水也亦名温夷水源出山西大同府靈邱縣高是山

永經滏水篇滏水出代郡靈邱縣高氏

氏山海經作是

酈注卽温夷

漳云當作軀夷

之水也出縣西北高氏山

山西通志翠屏山在渾源州南七里滹水所源也

一名高氏山 渾源志滹水東南流合溫泉入靈

邱界注滹河

謹案山海經高是之山滹水出焉又高氏之山其  
下多玉多箴石諸繩之水出焉則高氏高是本是  
二山水經注訛高是爲高氏也又酈注明言卽溫  
夷而注乃云當作嘔夷於是又因鄭康成注周禮  
職方有嘔夷邠夷並出平舒之文遂引爲水經注

祁夷水之注曰周禮嘔夷之川鄭注云區夷卽祁夷曰酈注澧水云卽嘔夷而祁夷水與澧水不分矣當從水經注原文作溫夷爲是又漢書地理志代郡靈邱涇河東至文安入大河過郡五行九百四十里并州川是以澧爲嘔夷也地理志引周禮并州川曰虜池嘔夷顏師古注則曰虜池出鹵城嘔夷出平舒是嘔夷不屬靈邱涇與嘔夷明是兩水鄭以嘔夷祁夷並出平舒原未嘗謂嘔夷卽

滹水出平舒也許氏說文云滹水起北地靈邱東  
入河卽嘔夷并州川此許夔班志之誤據水經注  
汾水篇另有嘔夷之澤並非祁夷滹水可混也

詳見

桑乾篇明史地理志分滹與嘔夷爲二是已乃云

渾源州川有翠屏山滹水出焉與嘔夷水合靈邱  
縣有椽峯嶺卽高是山嘔夷水出焉是又分翠屏  
高是爲二山也且滹水並不入嘔夷據水經注祁  
夷水則屢經東北流北入桑乾滹水則屢經東南

流東北入於易山西通志謂祁夷水出平舒今壺  
流河近之是也涖水則東至文安所過常山鉅鹿  
渤海諸郡分屬幽冀豈可以爲并州之川况水經  
注嘔夷之澤汾水篇自有明文屬今之太原爲古  
之并州無疑以水經注釋水經諸說一空矣

東南流湯河入焉逕隘門山入直隸廣昌縣西南界  
水經注涖水又東合湯泉水水出西北喧谷其水

溫熱若湯

涖水溫泉疑  
卽湯河也

又東逕靈邱縣故城南遠



水自縣南流入峽謂之隘門水經滄水南過廣  
昌縣南廣昌縣志湯河在縣南六十里源出靈  
邱縣北渾源州南合湯頭鋪入直隸唐縣界俗又  
名唐河元和郡縣志隘門山在靈邱縣東南十  
五里壁立直上層崖刺天明史地理志蔚州廣  
昌縣元曰飛狐唐河在南滄水也

又東南流四十里逕倒馬關入唐縣西北境

漢書地理志中山國唐應劭曰故堯國也唐水在

西 永經注澁水又東逕倒馬關關山險隘是爲  
深峭勢均 元和郡縣志倒馬故關在唐縣西北  
一百一十三里山路險峻馬爲之倒因以爲名

〔又澁水一名唐水西去縣一百五十里

又東流四十里逕唐縣東北境入完縣西北境復西  
流折而南凡十八里逕完縣神南神北二村

〔完縣志唐河在縣西七十里由神南村西順流而  
南神南村距城五十八里神北村距城七十二里

二村近唐水有稻田之利

謹案完縣漢爲曲逆後改蒲陰明爲完縣文獻通考蒲陰有唐河明史地理志不言有唐河今考縣西北負唐河所經南流十八里復入唐縣境

復入唐縣西北境又西流逕中山故城逆流河電水河灣里河入焉

括地志中山故城一名中山亭左傳昭公十二年晉侯帥師侵鮮虞及中人是也 唐縣志逆流河

源出中山城粟山西北注於唐河  
雷水河源出狼山至雷水村南注唐河  
灣里河源出蔡莊北山經灣里長店大洋注於唐河

謹案水經注云滋水又東逕左人城應劭曰中人城西北四十里亦或謂之唐水也水出中山城之西北城內有小山在城西側水銳上若委粟焉又云此城於盧奴城北如西六十里城之西北泉源所導四逕根

疑當作狼

山北郎唐音韻近寶兼唐水之

稱又云又東左會一水水出中山城北郎中阜下亦謂之唐水也又名之爲雹水則是中山城內粟山之水爲唐水而中山城北之雹水亦爲唐水也又云滹水又東逕樂羊城北蓋其故城中山所造也又東逕唐縣故城南北二城俱在滹水之陽故曰滹水逕其東城西又有一水導源盧奴縣之西北是城西平城之地泉湧而出俗亦謂之唐水也此段似卽上盧奴導源之文覆出也然又云東流

至唐城西北隅塌而爲湖俗謂之唐池其水南小溝下注滄水自上歷下通禪唐川之兼稱焉則是又有一唐水與粟山之水及雹水而三矣又云望都故城宜爲唐城是城西北豆山西足有一泉源東北流逕豆山下合蘇水亂流轉注東入滄是豈唐水乎所未詳也則是鄴於唐水迄無定據也方輿要紀畿輔通志俱引水經注一謂滄水又東逕唐縣故城俗亦謂之唐水一謂又東通唐縣謂之

唐水皆非酈注原文又唐爲堯之封國唐水唐縣  
皆以地得名非必唐水因唐縣也水經本無唐水  
酈注叙涇水所經乃有唐水唐水特其入涇水者  
耳今則通謂之唐河也明史藝地理志於廣昌縣  
註云唐河在南卽涇水是也於唐縣又註云唐河  
在縣西流逕定州曰涇水方輿紀要亦云唐河至  
縣境又東南入定州界謂之涇水誤矣

又折而南凡二十里逕大洋社恒河自曲陽縣北東

南流來滙又有龍泉河三會河自北入之

〔漢書地理志〕上曲陽恒山北谷在西北禹貢恒水

所出東入寇〔水經〕滄水又東南過中山上曲陽

縣北恒水從西來注之又東過唐縣南〔謹案〕水經敘滄水所

經先曲陽縣後唐縣今考唐河自入剡馬關由唐縣北逕完縣西又由完縣西逕唐縣南再逕曲陽

縣東與古少異是古今疆邑之不同也元和郡縣志恒陽縣本漢

上曲陽恒山在縣北百四十里

恒陽一名橫河〔唐縣志〕恒橫聲相近亦名恒陽谿〔隋書地理



志恒陽縣源出恒山東南流六十里過唐縣之葛  
有恒陽谿

洪山

二統志葛洪山在唐縣西北七十里山與恒岳相接

又南流二十里至

大洋社

唐縣志治西北四十里

入唐河龍泉河發源漱玉泉

俗名八角泉在曲陽縣北東入唐縣界入唐河曲陽

縣志漱玉泉在治北五十里平地湧出溢而南下轉折而東與滹水合卽龍泉鎮河也又禹

貢地理今釋謂恒水自直隸正定府阜平縣龍泉

關北流逕大派山爲大派水亦曰沙河蓋本蔡傳

所云冕氏以道今之恒水西南流至正定府行唐

縣東流入於滋之說考沙河發源山西繁峙縣流

逕直隸阜平曲陽行唐新樂

詳下沙河

二水迥然安

得合而爲一行唐縣志遂以沙河爲恒水蓋襲誤

也三會河源出曲陽縣之三會村西北流逕靈山

村一統志靈山在曲陽北四里脈自恒山來

入唐縣三十八渡村唐縣

志治西四十五里入唐河

又東南流二十里逕河神廟

縣志縣西三十里

其別支爲廣

利渠

詳見水利

又西南流三十里入曲陽縣東北境又東

南流八里入定州西北境又東南流逕定州城北又  
東南流凡九十一里入祁州西北境則有嘉河自曲  
陽縣東北來合趙家溝觀家溝院家溝塔兒溝龍堂  
溝羊村溝會小清河合柴離溝馬跑泉灘頭渠太平  
溝之水入焉又有清水河自定州西北合黑龍泉白  
龍泉洩水溝之水入焉

水經注滌水又東右會長星溝溝在上曲陽縣西  
北長星渚

謹案嘉河或云卽古長星川也俗名孟良河源出

山陽縣東北十里嘉山

魏書地形志上曲陽縣有嘉山東北十里元和郡

縣志長星溝水在縣西北十七里真君廟在縣東

九十里嘉禾山下

方輿紀要嘉山絕頂有孟良

砦相傳宋將孟良屯兵處定州志嘉山一名嘉

禾山嘉河州南七里水自嘉山來俗名七里溝

西陽縣志源出縣城北十里孝慕村謹案州志

以七里河爲嘉河以其近州者言之也曲陽縣志

則以其近縣者言之也又孟良河之名不載志乘

或以爲卽古長星川考其河流卽是嘉河又有狄

水河在曲陽縣治東三里或以爲卽嘉河據

縣志在曲陽縣東三里今塞則非嘉河也東南

流逕縣城東趙家溝諸水入焉又南流十五里龍

堂溝水入焉

趙家溝觀家溝俱在縣東北七里塔兒溝縣東九里羊村溝在縣西南五

里龍堂溝在縣東十五里

又東南流十里入定州西境又東南

流四十里逕定州南七里又名七里溝又東流二

十五里會小清河諸水又東流五里入祁州西境

又東流五里入唐河

小清河在定州城東水山隍內東流五里會嘉河東流則

有馬跑泉水自定州東南合呂家莊之太平溝西羊村之羊村溝水入焉又東合柴離村之柴離溝

邢州西界之灘頭渠水逕北張村南張村鄭章村王買村凡二十五里入唐河又小清水河兩塚漚

流而成以爲無根之水然河內泉源甚多舊爲沙土淤塞幾涸雍正七年知州王大年疏濬始暢

又清水河源出定州西北二十里黑龍白龍二泉

合流東注邈州東北十五里唐城村東南流入唐

河

定州西北東張村有洩水溝亦入清水河

又東南流二十里邈州城東南又東流十里邈州

州城東會滋沙二河

詳滋河沙河卷

俗名三岔口其下流爲

豬龍河

〔謹案豬龍河爲三岔口下流在邈州南十里名勝

志云高陽故城東龍化城是豬龍河也俗傳顛項

時豬化龍而成是河故名方輿紀要云高陽故城  
顓頊所築一名化龍城今廢城亦名化龍村蓋傳  
訛也九域志高陽記云新城本顓頊所造又名伏  
龍城則是伏龍譌爲化龍又譌而附會爲豬化龍  
也又方輿紀要云高河在縣東二十五里自馬家  
河淀分流其別出者曰豬龍河俱引而東經高陽  
故城南是則豬龍河者卽高河之分支也今唐滋  
沙三河自三岔口而下逕博野蠡縣高陽俱名豬

龍河蓋三水所合注故上流亦受通稱也

又東北流五里入安平縣北境

謹案明史地理志不言安平有唐河今考

縣北秦王村白沙莊之間實唐河所經

又東北流二十五里入博野縣

西南境又名蟾河龍塘河水入焉

金史地理志博野有沙河唐河

明史地理志南

有唐河亦曰澨水

二統志唐河入博野縣界各

蟾河

一方輿紀要蟾河縣東南二十五里其西有

龍塘河流注於滹沱



謹案方輿紀要蟾河下流注於滹沱而畿輔地圖  
記謂滹滋沙三水自祁州三岔口會流至博野縣  
名蟾河卽豬龍河也蓋往時滹沱泛入博野與唐  
滋沙三水合故紀要云然今滹沱斷流宜從畿輔  
地圖記

南流西轉凡二十五里入蠡縣西南境又東流逕蠡  
縣南爲楊村河泔河布裏河又北流四十里逕蠡縣  
東又東北流十里入高陽縣東南境

方輿紀要楊村河在蠡縣南三里亦謂之唐河唐  
河滋河沙河三水自邢州合流逕博野入縣界爲  
楊村河引而東流至玉田緒口入高陽縣界 蠡

縣志滋唐沙三河自三岔口合逕洪善村南呼楊

村河東入河間泔河在孟嘗

社謹案泔河卽楊  
村河支流也

畿輔通志馬家河卽楊村河下流也舊自蠡縣東

入河間明正德中自蠡縣北決入縣界瀦爲淀又

東北入安州界嗣後時有決溢天啓中決入布裏

愚地等村故曰布裏河

謹案洪善村在蠡縣東南二十二里今唐滋沙三河合流至蠡縣城東南十里許縣志所云東入河間者卽河間南古唐河方輿紀要所云東流至玉田緒口入高陽縣界者卽今齊家莊河下入馬家河者舊安州志白洋水自高陽圈頭入嘉靖十一年藺家口決不由河間故道而高陽安州新安爲壑州人上其事巡撫許宗晉題請開楊村河循河

開故道水勢稍殺三分之一然卒爲河間所阻明年開新河由高陽入白洋蓋自明正德中不由河間而入高陽爲初遷至

本朝康熙初復由布裏東決北注高陽舊城歸白洋淀爲再遷也

又東北流二十里逕高陽縣舊城東又北流十二里入安州東界入於白洋淀

方輿紀要白洋淀任邱縣西三十里周六十里跨

安州新安高陽之境志云淀在縣之開成村衆水  
匯流處也 高陽縣志在邑東北卽古九十九淀  
之一也

故道

唐河故道支流皆在三河合流之後因滋沙二河俱入唐河故皆從唐河其一支自安平縣西北二十五里之院西口爲院西口河俗名古滋河亦曰岔河東南流入饒陽縣北境南流與滹沱河會

方輿紀要院西口河在安平縣北二十五里其西通博野縣沙河滋河唐河三水分流經此入饒陽縣界注於滹沱今廢  
舊饒陽縣志滋河舊自保

定府祁州合沙唐二河逕縣北二十里許每夏秋衝決爲患明嘉靖間徙流蠡縣水發時猶潰溢

謹案唐滋河三河自祁州合流逕安平縣北之院西口今河徙而北其在院西口者河形雖存河流已失其入饒陽北境南會滹沱者河形湮沒不可尋求矣

自饒陽縣之岐河村東行十里逕河頭村又東行十里逕劉家莊折而南又折而東北流十二里分爲

二支一支東行十里入河間府獻縣西北境俗名古唐河

〔明史地理志〕河間縣西有滋水 〔河間縣志〕古唐

河卽滋水

東北行八里入肅寧縣東南境又東北行八里復入獻縣西北境又東北行十餘里入河間府西南境又北行十里逕河間府城西邊城而東爲儉河

〔河間縣志〕作澗

河云卽徐河此從元史

北流十里逕徐家口古洋河自獻縣北



來會又北流十餘里逕雙塔村又名半截河

元史河渠志泰定三年都水監言河間路水患古  
儉河自北門外始依舊疏通至大城縣界引入鹽  
河 方輿紀要滏水自河間府城西門外北流通  
半截河 河間縣志三岔口合滋沙之水自蠡縣  
東高陽南溢入府之肅寧境經河間西關東北行  
經北關外至徐家口羊河自南來會而滹沱決口  
之水亦有從深冀饒陽安平入者屈曲北行爲半

截河明嘉靖十一年許中丞宗魯濬不數十年上

流壅塞每水發南自蘇家口北自徐見口

即徐家口環

流交入舟楫財貨日集居民稱便知府部相通其  
水於濠間昔所稱西關外大河者是也古洋河上  
游爲鐵燈竿口水舊時自蘇家口徐見口並入濠  
河

〔謹案〕古洋河不見他書河間縣志鐵燈竿水源出

漳水自冀南逕博野踰滹沱過洪沙港入河間城

南通濟橋東北流至百姓橋北行數百里入直沽  
達海其支流一自蘇家口一自徐家口並入滷今  
河間縣南乾河二道自饒陽東北流獻縣西北又  
逕肅寧東南入河間縣西南轉城北者爲古唐河  
繞城南者爲古洋河洋唐音近或卽古唐河支流  
抑或自上游洋東五千二淀流出遂以洋名之皆  
不可考矣

又北流十里逕左家灣入任邱縣南境又北流十餘

里逕相子口分爲二一西北流十餘里逕縣城南爲鏡河亦曰玉帶河

〔太平寰宇記〕滏水枯瀆在任邱縣西一里 〔元史〕河渠志古陳玉帶河自軍司口浚治至雄州歸信縣界以導淀深積潦注之易河 〔方輿紀要〕任邱

鏡河其上源卽肅寧縣之玉帶河也流逕縣南八里會馬圈泊又北至縣南三里會蓮花泊又城東南齊家泊亦流合焉環城爲壕亦名玉帶河又北

至五龍潭東出斜溝會於五官淀 在邱縣志鏡

河南自相子口經市莊合馬圈諸泊至邑環城而  
北玉帶河卽城河其下流卽鏡河也 畿輔通志

舊時唐滋沙諸水溢於肅寧縣境爲中保河又東  
爲玉帶河入任邱縣境爲鏡河又東北入蓮花淀  
今多淤塞

謹案保定河間二府舊志滋沙淤之水舊自蠡縣  
引流而東歷肅寧之五千淀而達於雄縣之瓦濟

河中堡玉帶二河皆其經流處也後自蠡縣北入  
高陽歷新安雄縣而出任邱之趙北口於是故道  
多湮而玉帶之名亦移於順天府之保定縣矣攷  
鏡河之名於大學士李時記據通志所云其上源  
當是肅寧縣中堡河分爲白龍河下爲趙王河與  
鏡河無涉蓋水道變遷無從悉考矣相傳明嘉靖  
間滹沱泛漲爲害遂南塞相子口北塞順子口水  
不旁分故道就湮

本朝雍正四年修建順子間以洩邢家泊積水村民利  
之近亦漸淤至玉帶河之輾轉遷移尤無確據固  
不獨移於保定縣而已又任邱縣玉帶河當卽肅  
寧縣之玉帶河特中間淤斷遂兩地共此一名志  
乃以環城如帶爲言則城濠孰不如帶獨此云然  
耶

又東北流十五里逕邢家泊仍合於古唐河一東北  
流二十里逕東莊爲東莊河折而西北流十里合於

鏡河又北流八里入於五官淀

方輿紀要瀉水自河間府城西門外北流過半截河至縣東東莊橋至五官淀 任邱縣志瀉水舊經半截河抵任邱東莊橋由阿陵東達五官淀明嘉靖十一年巡撫許宗魯濬之今復淤邢家泊在縣東北二十里 畿輔通志五官淀舊名武瀉淀 在任邱縣東北三十里今湮

一支北流十里入肅寧縣東南境合馬窪洋東淀五



千淀流爲中堡河東北行五里逕肅寧縣城南十五里又名玉帶河

方輿紀要保定府蠡縣以東高陽縣以南之水溢入於肅寧縣境瀦爲洋東五千二淀卽唐河滋河及滹沱諸河散流所滙也玉帶河在肅寧縣東三十五里洋東五千二淀之水分流爲玉帶又東北入任邱縣界 二統志洋東五千二淀在肅寧縣東南三十里舊時鐵燈竿水所滙下流入中堡河

今湮謹案馬崔或以爲卽東洋五十二淀也

肅寧縣志中堡河在

縣東三十里南接博野縣鴨滋沙唐四河下流入  
雄縣東北合直沽入海

謹案中堡河上接饒陽東北境之王聖口由縣南  
子山口稍北東行十五里逕古增城之南卽舊肅  
寧縣治也一統志以唐河下流爲中堡河中堡下  
流爲玉帶河玉帶河下流爲鏡河今中堡如故而  
玉帶河之名已隱其下流爲趙王河入河間縣境

河身淤廢不可識入任邱縣境河形復著却在今  
鏡河之西鏡河上源則爲古唐河洋河合流而入  
任邱縣者一東一西與中堡截然爲兩水道遷徙  
源流固難悉辨也

又東北行八里逕百道口

太平寰宇記河間大廉陂下注潁沱其決入之處  
謂之百道口

謹案百道口在肅寧縣東南十里餘畿輔通志謂

在府城西今肅寧縣白龍河爲中堡河分支其南  
爲百道口往時以百道屬之府城者以肅寧嘗廢  
爲鎮屬河間也

又分爲二一北流爲白龍河逕豐樂堡折西轉東又

北行凡二十里逕朱家窪

在肅寧縣北二十里

入河間縣西北

境又北行五里逕大城縣境又北行五里入高陽縣  
東南境是爲廢豬龍河河流已失微有河形而已

高陽縣舊志高河在縣東二十里舊城旁入豬龍

河蓋澆水之逕解瀆亭南者會河間經流入邑也  
猪龍河南納高河今高河久湮

謹案廢猪龍河卽古高河也其上源卽肅寧之白

龍河

河間縣志白龍河在縣西北邊境彰德平州僅有窪勢河東有廢隄上接肅寧下屬高陽

卽蘇鄉隄也

自河間縣流入境北至高家莊又北行至

猪龍河東岸隄而止高河未詳其源漢書地理志

涿郡高陽應劭曰在高河之陽水經註引春秋杜

預注濡水出高陽縣東北至河間鄭縣入易水是

濡水與滹沱滋易互舉通稱矣方輿紀要高河在河間府西南郡在高河滹沱之間故曰河間今源流斷續非復故迹也考高陽故城在今高陽縣東二十五里廢猪龍河在東南正與應氏縣在高河之陽合明洪武三年高河溢遷治於今農家口自縣遷而高河漸淤廢猪龍河亦不可尋求矣又山海經郭景純注滋水過博陵入易蓋至此與濡水同入之也而方輿紀要於高河下云滋水在城西

卽易水支流滹豈源於易水耶且云亦自安州高陽縣境分流逕北又北流入任邱縣界仍合於易水滹又何嘗出於易而復入於易耶考河間府獻縣西北之古唐河卽是滹水古唐河一分至任邱爲鏡河還復合於古唐河紀要或因此而誤也

一東北行二十里逕中堡村又曲折東北行十五里入河間縣西北境下入高陽縣東南境爲趙王河

謹案趙王連糧河保定一帶是處有之皆宋時轉

漕之河俗名相沿實則古陳玉帶河下流也

又北行約二十餘里入任邱縣西南境又北行二十

里逕蠡王廟又折而東北行三十里逕鄭州南

文獻通考

鄭有易水澆水熙寧間省入任邱

又東北行三十里逕王村口合古

洋河入於柴火淀

謹案安平縣院西口河本滋河故道合唐河舊入

肅寧縣境名玉帶河入河間縣境名儉河二河皆

見元史但志未言其源所自玉帶河或以形似得



名儉河則滹沱泛自饒陽縣鐵燈竿口與唐滋沙合者也以水味鹽爲鹽河儉則疑爲嫌聲之轉也河渠志謂引儉河入鹽河是以下游之稱被之上游也河間縣志更名澗河或以堧爲澗又或因舊志誤爲徐河而水經注有徐水二源齊瀉一澗之文遂誤爲澗耳至鏡河則以邑令王鏡堂得名中堡河東莊河則以村得名白龍河則以會伏龍河得名趙王河則以漕運得名古洋河則以唐洋聲

近而訛其實皆唐河也又院西口河一統志在安  
平縣北上流謂卽派水自祁州三岔口與唐滋二  
水合流入縣界又爲沙河故道矣今以三水合流  
皆以唐河槩之以省繁複

一支自祁州西境之韓村東行逕辛安村名辛安渠

東逕祁州城南又東逕祁州東境合東滌渠

詳府河篇又

東入博野縣西南境之南陽村名南陽村河東北行  
入蠡縣西南境之王家店名王家莊河飲牛池水入

焉

池在蠡縣東南梁家莊

東逕縣城南折而北遶縣城東又北

至楊家莊合小陳村河

詳府河焉

又北逕古靈山名古靈

山河又北入清苑縣東南境名十尾河下流入於保

定府河

一支起祁州西北之西照村名西照渠東合黃臺渠

東南入博野縣西境之大西章村名大西章河東北

入清苑縣南境之段家莊溝亦名舊唐河其下流入

於府河

一支起蠡縣東南之齊家莊名齊家莊河河身在蠡縣境者淤廢不可復識東北入高陽縣西南境名楊村河瀦爲延福淀又東北逕高陽縣城南遶城而東又名馬家河瀦爲蟹子窪牛蹄窪小澇淀大澇淀又北行入安州東南境又名邱家道口河又北行逕馬家棚淀又東北行逕相口村入於白洋河

明史地理志蠡縣楊村河在南唐滋沙三河之下流也俗亦謂之唐河高陽縣治東有馬家河其上

流爲蠡縣之楊村河

謹案今楊村河東入布裏河

高陽縣志

大澇淀在縣東馬家河溢瀦也河過圈頭北四里爲蟹子窪又五里爲牛蹄窪又十里爲小澇淀大

澇在小淀北周圍可二十里延福淀在縣西南十

里楊村河瀦也馬棚淀在縣東二北十里

謹案淀南爲放

水口宋監馬棚放地也

周圍可二十里今淤

謹案高陽縣志唐滋沙三河水合流逕博野縣東入河間明正德十二年藺家口北決遂出玉田緒

口北入邕逕延福瀦爲淀又北逕圈頭更今名方輿紀要馬家河滹沱支流也自晉州饒陽縣鐵燈竿口導流而北逕蠡縣境又東北至高陽縣南延福村楊村河土尾河俱流合焉瀦爲馬家河淀復東北流入安州界注於易與高陽縣志不合一統志東南三岔曰沙滋二河合入博野縣界名蟾河自此折而北流逕縣東南二十里入蠡縣界又名楊村河舊入河間府境明正德十二年北決逕縣

東入高陽縣界馬家河逕縣東三里又東北入安  
州界爲邱家道口河至州東南三十里滙於白洋  
淀此蓋河間古唐河之徙於此者而以爲滹沱支  
流或馬家河本有滹沱分支而上源久斷自唐河  
徙入遂又以爲滋水下流也今則自三岔口而下  
統以豬龍河名之復徙而東馬家河故道亦淤矣  
馬家河自康熙四年豬龍河決入布裏河而流淤  
至三十七年斷流今河形雖存河流多涸前此暢

流居民引以灌溉天津百貨俱由淀達於城南且  
由明以來科第不絕李文勤父子相繼時稱極盛  
故民間謂之爲富貴河自斷流以後大非昔時矣  
邑中紳士嘗思開濬而馬柳一定久成陸地水廢  
無所受邑之舊城安州之相口兩村地勢窪下復  
恐淀水倒灌河水建甌卽蠡縣之齊家莊上承豬  
龍河故瀆久淤亦慮冲決由是議格不行蓋河之  
通塞係俗之盛衰皆時爲之也 又案漢書滹水



入河水經謂入易山海經謂入河郭璞注謂入易  
明史地理志謂下流合南易是入易之水已非復  
久河故瀆矣河間以東大河故瀆渺不可考滏水  
入河之道又烏從識之畿輔通志謂滏水故瀆多  
在河間任邱二縣界者乃入易舊流也今可考者  
任邱縣東北之古唐河西北之趙王河高陽縣西  
南廢豬龍河縣東馬家河皆入淀故瀆其自祁州  
搏野高陽獻縣河間任邱入淀者始流也

即古唐河自

祁州博野肅寧河間高陽任邱入淀者初遷也卽中

堡其分支東爲趙王河西爲白龍河下流爲豬龍

河自祁州博野蠡縣高陽安州入淀者再遷也卽馬

家今則不由馬家河而由布裏河矣自明正德中

決出馬家河入淀肅寧之流遂廢卽中

堡河

本朝康熙四年決由布裏河入淀馬家河上流亦淤雖  
同一遷安州入淀而一徙於馬家河則由相口村  
再徙於布裏河則由馮村與遷任邱入淀之故瀆

凡三遷矣禹貢錐指以今輿地言之渾源靈邱廣  
昌曲陽唐縣定州望都祁州博野蠡縣高陽安州  
新安任邱文安諸州縣界中皆古滹水所行也宋  
初猶未改自咸平中何承矩興塘濼以限契丹戎  
馬之足於是始引水歸北而文安之濱遂空考文  
安爲漢時滹水入河之道至郭景純酈道元時已  
改而入易蓋河自東漢王景治汴之後改由千乘  
入海不復北流故郭酈皆以滹爲入易與漢志入

河之文異也

附載

盧奴水

隋書地理志鮮虞舊治盧奴有盧水 元和郡縣志黑水故池在定州城西北去縣四里 金史地

理志安喜有盧奴水

謹案水經滏水又東過唐縣南又東逕安喜縣南

中山記縣在唐水之西 謹案卽今之定州 是滏水當在今定州城南

也 酈注云又有一水導源盧奴縣之西北亦謂之

唐水其水南入小溝下注漉水是南入者又是一水也下又云魏破中山立安州改曰定州治水南盧奴縣之故城是昔之定州在漉水南也又云盧奴城內西北隅有水淵而不流南北一百步東西百餘步水色正黑俗名曰黑水池或云黑水曰盧不流曰奴故城北藉水以取名矣又云漉水之右盧水注之又云漉水又東逕鄉城北有舊盧奴之鄉也中山記曰盧奴有三鄉斯其一焉是盧奴舊

縣又當在今定州治也且疑另有北入之一水也  
故云滏水之右盧水注之則是疑自南而注北也  
方輿紀要云輿地志盧奴城北臨滏水南面派河  
杜預謂之管仲城與酈注定州治水南之文合昔  
之定州卽今之定州也定州志以盧奴水謂卽黑  
龍泉蓋因黑水曰盧遂以黑龍泉附會之耳據滏  
水在今定州城北黑龍泉水更在滏水之北似與  
酈注導源西北之文合然酈僅以唐水明之不曰

盧奴水而盧奴之文則詳於盧奴故城而且明其  
爲城內西北隅之水則與導自盧奴縣之西北者  
分明爲二水卽欲以黑龍泉附會盧奴亦當據城  
內黑水池之文而故城則在水南不在水比如以  
黑龍泉卽謂之唐水者爲盧奴泉則又是涇水之  
左盧水注之矣城邑雖有遷改河流雖有移徙而  
兩水互易其方理固難通古水之不可考者多矣  
正不必強爲之解也



本道溝在定州東南之七級村逕東內堡村入清水溝

楊村溝在博野縣南上接祁州之王玉港下入蠡縣之王家莊長三千九百六十丈卽楊村河舊槽也

周家營溝在博野縣南起周家營東南合於小王村溝長一千四百四十五丈

小王村溝在博野縣南與周家營溝合

龍潭溝

唐縣志一名龍門湖在葛洪山北兩山壁立水出其中長九里橫三里有瀑布泉五注磐石下

羅漢淀在高陽縣東南三十里

梁淀在高陽縣東二十里

謹案二淀舊志以爲皆高河所瀦今高河失流淀亦不知所在

劉家溝在高陽縣東二十五里又東爲放水口

長澤窪在任邱縣西北

黑耳淀在長澤窪稍北

任邱縣志  
在河口莊

斜溝

任邱縣志上自城東南柳子口下至城東北順子  
口明嘉靖十一年巡撫許宗魯濬東莊橋大河因  
水勢高塞上下二口以遠冲決之害

鶴道渠在任邱縣境河西南渠臨大道

謹案水經注滏水所合之水三十有二今載入者  
六滏泉水唐水雹水恒水廣水長星溝也另見者

十一 滹沱

詳滹沱河篇

博水濡水蘇水蒲水魚水渥水

徐水沉水曹水依城河也

俱見府河篇

不可考者十有

七 候塘川 莎泉水 嘉牙川 關水 大嶺水 兩嶺溪水

懸水 鴻上水 馬溺水 唐池 洛光水 胡泉水 陽城陂

峒溝 清梁陂 安陽塘 唐頭陂也 肅寧縣志又有青

口河在縣北 三里河村河在縣五里 甘河在縣西

三里灘頭河在縣東 八里海市河在縣南 十五里

皆唐河下流 與中堡河通 今皆不可考 一統志高

河在高陽縣東二十五里亦曰泔河滏水支流也  
今其水久淤在高陽縣者多以豬龍河當之而豬  
龍河近復淤廢又金史地理志高陽縣有百濟河  
今亦不知所在又初學記定州引水經注云定水  
東流厯山俗謂之戲頭卽晉書所謂鴻上關其文  
與水經注今刻本少異而定水之名亦不見他書  
又隋書地理志金史地理志皆云曲陽有范水博  
野有君子淀金史又云曲陽有曲陽水後漢書郡

國志上曲陽有泉水于吉得神書寰宇記曲陽有  
鳴石溪水側有石扣之卽鳴又唐縣靈井并引隋  
圖經云唐縣中山城西北隅有一大井俗名趙母  
井昔人醇酎千日卽是此井所醞後以石蓋之人  
不敢開又魏書地形志安國縣有鹽石淵一統志  
謂在祁州界方輿紀要龍池在蠡縣北四十里舊  
有灌溉之利今湮又博野縣小店河在縣北其西  
有西莊河俱合流達安州界會於九河又河間縣

七里井在府境井去河間城七里因名今皆不可  
知又唐書地理志鄭州任邱縣有通利渠開元四  
年令魚思賢開以洩陂陀自縣南五里至城西北  
入滹得地三百餘頃此渠疑卽今之唐洋合流入  
縣境者姑備志之以俟考焉

畿輔安瀾志

臣 王履泰恭纂

唐河卷下

隄防

謹案唐滋沙三河至邢州合流爲豬龍河下游隄有冲決河亦淤淺現在奉請勘估

石隄在唐縣北順治三年知縣周日宣築

廣利渠開在唐縣西三十三里唐河東岸風山下河神祠之東高一丈二尺長三丈當渠之首金泰和中建明萬厯中知縣楊一桂濬渠重修並建涵洞以時



洩水

本朝乾隆十年重修

詳見水利

謹案廣利渠之涵洞在唐縣境者凡二十有五西  
北羅第一洞東北羅第二洞東北羅第三洞東北  
羅第四洞西高河第五洞西高河第六洞西高河  
第七洞西高河第八洞東高河第九洞葛堡第十  
洞葛堡第十一洞西都亭第十二洞東都亭第十  
三洞南壇第十四洞南關第十五洞南關第十六

洞東關第十七洞東關第十八洞東關第十九洞  
房莊第二十洞賈莊第二十一洞南高昌第二十二洞東高昌第二十三洞東高昌第二十四洞東高昌第二十五洞在完縣者涵洞五莊里村南涵洞在城村北涵洞下張村北涵洞奇鄉村南涵洞三村南涵洞涵洞各長二丈廣三尺五寸高三尺其趙北羅第二洞謂之長流洞不列時刻其餘諸涵洞每月各用水兩次每洞灌地五六十頃

不等

詳見水利

其渠之堤在岸唐縣境者兩岸各長四

十九里在完縣境者各長三十九里

詳見水利

界堤在望都縣南三十里高一丈闊二丈長六丈明築以防滲水居民盜決既築復壞今唐河不經縣境隄亦久廢

唐河隄一在定洲北長五十里明嘉靖間知府裴泰修築一在定州東與邳州相連長十里明嘉靖間知州官賢修築

七里溝堤在定州城南嘉河逕此東南與清河合兩岸各長二十里

公隄一名十里公隄在祁州城西二十里實定州界也借定州之地築堤以衛祁州中照等十六村莊爲唐河北岸長一千七百二十八丈八尺乾隆十八年議定祁州分修十之六定州分修十之四

一祁州志乾隆七年清河道查以定州所屬之東旺等村附隄而居田廬墳墓患害相關正當責令修

隄防汛爲自衛之計乃轉役祁州去隄甚遠之民  
情理旣未允協公事允虞歧悞飭於祁定二州內  
無論是何州所轄查係附近隄工之村卽責令專  
修如村莊稀少民力不足再查其次遠者派令協  
修會勘十有餘年遷延究無成議至乾隆十八年  
清河道奉總督批查得十里公隄坐落定州界內  
以定州地居上游向係祁博蠡三州縣分修嗣因  
博蠡二邑距隄較遠就近歸於祁州之中照等十

一村莊分段修防但隄在定地全役邗民不特修隄之時裹糧從事民以爲苦設遇上游水勢驟漲往返催調一時搶護不及而近隄之民以何無責成袖手旁觀下游村莊固受害不淺卽近隄之東旺等村田廬墳墓日久必有淹沒之患在定州借地築堤需爲邗民及邗州隔屬修隄情有不甘之說皆士民好逸惡勞昧於自衛之見茲據勘明情形議邗州分修十分之六定州分修十分之四歸

於各州同經管督修應如所議祁州之中照等十  
一村莊分修此隄一千三十丈二尺定州之東旺  
等六村莊分修此隄六百八十六丈八尺倘臨時  
有豪衿地棍挾眾阻撓嚴拏究治仍於分界處刊  
石垂久并將祁州應修之公隄按段分派中照村  
九十丈北段村一百二十五丈二尺瓦子莊六十  
丈流村一百二十丈大內村六十丈羊翟村九十  
五丈淤村一百二十丈南各堡九十丈西照村七

十五丈辛邊屯九十五丈南段村一百丈同力合  
作一體遵照

祁州北岸隄爲唐河北岸止自韓村起下至陳各莊  
止長五十里嘉慶七年修

祁州南岸隄爲唐滋二河南岸上自深澤縣段家莊  
起下至安平縣北郭村止長二十五里嘉慶七年修  
清水河東隄在祁州西南清水河東岸也長十餘里  
明嘉靖時修築



院西口隄一名秦王莊隄卽博野縣之秦隄相傳秦時築在安平縣北二十五里爲豬龍河南岸河向時經此西接祁州之南隄東接博野縣之宋村隄

安平縣志院西口河西通唐滋沙三水至境會而爲一沿河有隄防漲每歲修築用近河十八村民役 徐昌祚燕山叢錄博野濱水隄乃秦始皇所築故謂之秦隄高峻堅厚水不能嚙民至今賴之宋村隄在博野縣東南上接安平縣秦王莊下訖蠡

縣牛辛莊長二十五里北岸上接邢州陳各莊下訖  
蠡縣王家莊長二十七里以防豬龍河之水爲南板  
橋北板橋夾河村宋村諸莊之堡障

套裏村隄在博野縣南

楊村河隄在蠡縣西南至於東北夾豬龍河兩岸南  
隄自博野縣解村營交界起至東緒口高陽縣交界  
止高一丈頂寬二丈底寬六丈長六十二里一百零

四丈北隄在蠡縣正南至於東北自博野縣董家莊

交界起至高陽縣安瀾橋止高一丈頂寬二丈底寬五六丈長七十二里一百零九丈嘉慶五年七年修曲隄在蠡縣東北

布裏河隄在高陽縣東南至於西北夾豬龍河兩岸其南岸自蠡縣之緒口起至任邱縣界止長六十二里其北岸自安瀾橋起至安州之馮村止長四十二里皆高一丈廣三四丈康熙三十七年築

**謹案**唐河自入直隸境迨廣昌唐完曲陽四縣所

沃大水惟一恒河四縣皆山無需隄堰自望都而  
下地勢就平難免衝決故隄堰自望都始及與滋  
沙合流其勢更駛於是祁州而下夾河長隄境相  
銜接皆民間修築以保護沿河村居高陽而下河  
既入淀隄亦另載

出岸村河隄自蜘蛛窩起至百尺村止

一千三百四十五丈唐

隄一段自韓家嫌起至任邱界止

二千八百七十二丈北坎葦

河隄一段自劉家溝口起至放水口止

九百二十一丈王博

土莊在河河隄二段自村東起至舊城南止四十五丈六尺

俱係險工督工出岸村西往北舊河淤淺北至孟仲

峰西北米家灣止原估十里一丈五尺今裁灣登明取直長九里一百三十一丈

南老河口之南東出支河口建攔河壩一道南北原

十九丈又新添加長二十四丈月壩一道長三十南底寬五丈頂寬二丈高七尺

老河口正流東出之口建壩一道長十添加月壩二

道北河口東漲之口添加攔河土壩一道

大河六合二隄在定州唐河隄也今廢謹案二隄見宋史白重質

傳重資所築也 自此以下皆故道隄閘

唐河隄在肅寧縣西二十里起自蠡縣之三岔口迄縣北之張王口長五十餘里今圯廢

方輿紀要肅寧縣西接保定府蠡縣界二十里隄起自蠡縣之三岔口東至韓村張王口回曲五十餘里口岸凡十八里失時不修自縣以東則河間雄縣以西則蠡縣高陽安州以北則新安咨城安肅一遇水潦卽有潰溢之患

蠡螂隄在肅寧河間高陽三縣境起自肅寧縣東北  
三十五里之河洞村歷河間縣西北境入高陽縣東  
南境爲白龍河東岸其入高陽境者則舊豬龍河東  
岸也河流旣淤隄亦日圯

中堡村涵洞在肅寧縣西三十里之中堡村東建置  
無考

豐樂堡涵洞在肅寧縣東十八里豐樂村西建置無  
考

附

高陽縣志河渠考明初洪武三年高河決舊城

東城陷遷今治豐家口而高河淤田陽村入河間  
其後七十有餘年河凡二十餘決壞民川廬隄防  
輒壞嘉靖初河決於蘭家口東北注高陽入濡渥  
十一年巡撫許宗魯疏言唐河沙河滋河以三派  
分流至保定三岔口并流爲一山正定繞河間而  
安州新安任邱三州縣爲害尤其有議開楊柳口  
者則任邱便新安不便有議開燒場口者則新安



便任邱不便今議仍築藺家圈口開濬肅寧迤東  
舊河興工似易爲利可賴從之是時水及於邑者  
殺三分之一然河間民卒阻之十三年巡撫周金  
言藺家口決塞之則東流暴漲而河間之民不堪  
不塞則東流漸淤而保定之患不息宜將決口仍  
舊存留量起鄰河夫役將新河濬濶使東北平流  
以免旁溢之患從之而全水入高陽矣新河濬數  
年不爲患後漸淤數壞田廬隆慶中大水者三萬

歷中河決於蠡之陳家臺北注高陽西偏通於滹  
渥胷令守愚編修舊防樹萬柳曰萬柳金隄復議  
於延福西爲防以護且以護濡之南蠡人不可郡  
守賈公仁元令卽爲之舊南滹沱水溢通滋河故  
三河勢益大旨令築防堅厚適天津徐憲副學古  
奉詔濬自河間以東分入沙河鹽河以殺水勢而  
高陽得無波及兼以旱暵二十餘年無水患其後  
河益淤防圯不修柳窮於爨河決不支歲留一偏

以予水鄰州嫌怨相競大抵處上欲決處下欲塞  
戊申錢令春續橫隄而西三里餘舊防徧築之三  
十九年隄圯大水薄城周令之藩以濬築二議聞  
上之官謂公求名飾德寢不治遂復無復議濬河  
者矣天啟五年河決蓮子口崇禎五年布裏河決  
本朝順治十年決布裏橋北二里許歸於隄故道康熙  
四年布裏橋南河入豬龍河歸白洋淀而于隄河  
漕勞淀淤爲高壤康熙三十七年布裏河南北兩

岸建隄南隄蘇果莊東之北有閘口又北爲柴淀  
口豬龍老河身爲唐沙滋三水之下流隄岸雖廣  
浮沙易淤柴淀口河身淤淺雍正三年六月柴淀  
口溢螭螂口之南寇家墳隄口決開仍歸放水口  
入淀正河淤塞四十餘里決而東冲潰古隄鄭州  
一帶盡湮委官導淤塞決改奪舊流四年再加濬  
深使水之東趨者并力北行螭螂口堅堵古隄徧  
加修補使水不得浸及任邱由放水口達車道口

歸淀五年接理柴淀工程六年修築放水口等處  
隄壩土埝確估挑挖土方酌給民夫飯銀南河口  
老河淤塞添加沙嘴二處但河之上流遠承三水  
惟以白洋淀爲滙澤蠡博間多缺口由蠡而來東  
於布裏一河或溢或決則布河兩隄南北各村莊  
任邱安州俱被水淹皆由下游淤塞歎於歸淀如  
放水口之設向議北水大則攔當以防其南侵南  
水大則開放以使北去今北水旣大地久淤塞北

高南下自邊渡口而北數村之水或致聚而不散  
若於放水口之北濬深使之歸淀則於南水放之  
之說良法美意萬世之利也 明兵備劉洪謨濬

河記畧保定南受滹沱東鹿特甚北受唐滋沙三  
河清苑慶都祁州蠡縣爲甚高陽安州新安下流  
尤甚東北受涿州諸河水新城爲甚竊意受水異  
常賑濟亦須破格然爲不終日之計以紓一隅之  
困無寧爲久長之計紓三輔之困治水第就一州

一邑而論未免顧此失彼必合三輔州邑地勢高下以下爲受水之所而議所以分洩尤以高爲來水之所而議所以緩流欲水分洩計莫若疏決壅闕欲水緩流計莫若開導溝洫 又高陽縣知縣錢春濬河記畧以一河受三河水惟以白洋爲滙澤邇歲博蠡間多決口業建議築隄矣而士民云濬河亦以固隄沿河踏勘見河形逼窄已難容受今又一帶淤塞畧與岸等以故一決縣南由延福

入而澇蠡之緒口及本縣于隄等村再決縣北由岳家莊入而澇本縣蔡家口及安州蒲口等村然延福隨決隨塞而岳家莊隨塞隨決蓋延福離淤處稍遠而岳家莊正在河淤之旁是疏濬與補築當並矣大約由惡家莊起至安州馬蹄河止計淤十里而遙利害州與縣共之其疏濬亦宜州與縣議之不然蠡博二縣已厚築決口深濬舊河上通下塞其泛濫當數倍於前不急爲疏濬民將有被



浸之憂

八里隄在河間府南亦名唐河古隄起自縣南迄城北長二十里明萬歷間知府錢楷築

方輿紀要八里隄在府南八里莊自蘓家口訖徐家口亘二十里以防四旁諸水 明御史李采菲

八里隄橋記畧河間地枕滄溟凡西南河渠之水率由此繫紆而達河間守錢公稔知其患修隄自蘇家口以逮徐家口二十餘里其高二丈餘其濶

三丈厥工肇自萬歷十三年三月訖以五月而又酌形之高卑爲大橋一爲小橋六爲路自隄至店長七里有奇其高一丈有奇其濶四丈有奇厥工以萬歷十四年三月始以六月竣可以通兩畿而達八省錢公名楷字範之冠縣人

洋河東隄在河間府洋河之東起自獻縣馬窪東歷肅寧入河間府訖府北四十里之史村長七十餘里以限洋河之水不得東溢

龍河隄在高陽縣舊城東南上接螭螂隄約長二十餘里明景泰六年築歲久微存隄形

馬家河隄一名萬柳金隄在高陽縣東五里長三十里以防馬家河西溢

高陽縣志自城南延而北可三十里其岳家莊之南長七十五里明景泰六年縣令魯能築北至趙通村七里嘉靖二年縣令王繼宗築容城至安州之洞口七里嘉靖十七年縣令孫繼先築此則萬

歷四年縣令冒守愚也曰萬柳金隄

榆隄一名于隄在高陽縣東南長二十里以防馬家河東溢康熙元年築

高陽縣志康熙元年發帑築隄十餘處若墩堠然由于隄村南接蠡縣界北續舊隄延袤可六七里橫隄在高陽縣西南延福村長七里以防馬家河上流之水西決而北出者明萬曆四年築

本朝順治十年重修

明大學士孫承宗橫隄記畧郡之河九而會於蒲  
陰者三曰滋曰唐曰沙逕博陵厯蠡吾入於邑距  
城南可三里而從岸瞰城如頰益益一不戒則彈  
丸宛在水中丁丑維揚冒令守愚徧河東西爲隄  
且力請於上得坊邑以南曰橫隄起延福迄塔兒  
頭可七里許又三十年晉陵錢令春續爲隄可三  
里許遂及於留詳左其後河益壅溢益遠且深蓋  
庚辛壬癸水溢者再於時清源周令之藩傾橐而

大築之日傭二千有奇凡八日而竣傭可二十千  
費制錢七十萬有奇迺勒其事於珉

樓隄在高陽縣城東延袤五十里以防豬龍河之水  
明萬曆三十四年築車道口隄在高陽縣東豬龍河  
之尾以補唐隄之缺

明大學士孫承宗車道口隄記畧邑有兩大水曰  
白洋瀕白洋有河曰豬龍逆而南可二十里或曰  
高河之遺也歲久而壅渠不受靈潦而洩洋之水

於兩岸於是發民夫防兩岸合之可四五十里防  
不時築而河歲決其橫可五十弓名車道口者足  
捧土塞也錢明府梅谷來不兩旬而隄成已未馬  
家河棄故道東決一支從豬龍河入白洋遂開車  
道口以出南水蓋河從故道入白洋則白洋水南  
溢豬龍而此口可塞河棄故道而東入豬龍則此  
口可開杜令議爲水門云

安陽亭隄在高陽縣東北自趙通村北抵安州之邱

家道口長十三里明嘉靖十年築

龍河隄在高陽舊城東南延而北長二十里明建

高陽縣志起窩頭村至任家村十四里景泰中縣令魯能築其北至叶臺七里嘉靖七年縣令科雲

龍築

白牛隄在高陽縣東南相近又有駱駝灣隄皆以防蠶縣水之溢齊家河者明築

蓮子口隄在高陽縣南上接蠶縣界長二十里明萬



歷中縣令杜芳築天啟中重修

唐隄在任邱縣境宋建明修

二統志唐隄在任邱縣西北接高陽縣界自趙奇  
莊抵大務四十餘里宋縣令唐介築明知縣顧問  
重修

滋隄在任邱縣境唐洋兩河滙南入境自南而北夾  
河兩岸明嘉靖中巡撫許宗魯築

鏡隄在任邱縣境河兩岸明嘉靖間知縣王齊築

明大學士李時鏡河記畧任邱南去京師三百里  
當燕趙之交水陸輻輳河自沙唐滋清三岔口而  
下東北至河間又北迤於郎家莊滄流滌河由縣  
滙於河陵城泉源湮沈蓋十閱歲矣邑大夫鏡堂  
王君至之期年乃鳩工量才不踰月而萬衆之功  
成南北凡七十餘里廣十餘尋亘以巨隄袤若橫  
帶邑人士相與言曰斯河之流也鏡堂君之澤也  
請以鏡名君名齊河南新蔡人鏡堂其別號云

唐隄一名居龍淀隄在任邱縣西之白石碑村上接

高陽縣之永安隄

卽豬龍河東隄

入境迤北而東至縣東北

之馬各莊東入雄縣界長七十二里高八尺廣六尺  
至一丈乾隆十六年重修自東起至馬各莊止長一  
千一百七十六丈

順子口閘在任邱縣東北以洩邢家泊積水入五官  
淀濶七尺高八尺雍正四年重修

苟各莊閘在任邱縣北五十里之苟各莊迤北唐隄

轉曲之處乾隆五年建

里長閘在任邱縣北五十里之里長窪亦在唐隄上  
隄在里長窪北閘在里長窪東乾隆五年建與苟各  
莊閘皆以洩趙王河並唐隄蒙溝瀝水

長澤窪涵洞在任邱縣西三十里之長澤窪西黑淀  
涵洞在長澤窪涵洞北八里之黑淀西二洞皆乾隆  
二十一年開以洩唐隄蒙溝積水外水大則閉外水  
小則啟苟各莊閘

邱家道口隄在安州東南上接高陽之安陽亭隄長  
三百五十丈

萬柳隄在邱家道口隄南長二十里明築

安亭隄在安州南三十里自邱家道口至高陽縣東  
北長十五里卽高陽縣之安陽隄

直寧隄在安州西南長九里

大澇淀隄在安州東南三十五里長十五里明築

相口閘在安州東南與白洋淀西南爲馮家河入淀

要道明建

西樓隄在雄縣境去縣十餘里以防唐河諸水

黃灣隄在雄縣境

謹案淵鑿類函引宋史賈敦頤爲瀛州刺史瀕滹  
沱滄二水泛溢壞民室廬浸如數百里敦頤爲立  
堰壩水不能暴百姓利之此隄當在河間縣境今  
無考

永安隄在高陽縣境起小關村至任邱縣界止以防

豬龍河水嘉慶五年七年修

東隄在安州東南自高陽縣南馮村入境起下入新  
安縣白洋淀止長二千八百二十丈嘉慶五年修

橋渡

廣利渠橋在唐縣者十曰南雹水村橋曰西城小橋  
曰北維村橋曰莊頭莊橋曰葛堡橋曰西都亭橋曰  
南壇橋曰棗園橋曰呂莊橋曰高昌莊橋皆以木爲  
之相去隔五六里皆乾隆十年建在完縣者七曰常  
豐村橋在完縣西南二十里邴河會廣利河處甃石  
長三丈廣一丈六尺高九尺明建

本朝乾隆十一年重修

餘橋詳見  
府河卷



唐溪橋在定州北十里跨清水河上甃石長五丈廣一丈七尺高二丈建於元時明萬厯間重修

孟良橋一名七里橋在定州北七里跨孟良河甃石明建

定州唐河渡在州北九里唐河上每歲之冬架木輦土其上以渡夏秋水盛則濟以舟明知縣胡震亨捐金購田歲入米一十九石三斗爲橋舟之費今仍之

謹案宋史荆罕傳儒兄延福孫嗣從李繼隆禦敵

於平岩繼隆遣步卒二千伏定州古城爲敵所攻  
命嗣援之至唐河橋嗣扼橋路出戰又李繼宣傳  
契丹寇定州至懷德橋繼宣領兵三千掩襲之則  
契丹已壞橋繼宣橫水而渡此橋當在唐河南岸  
今亦不知其處今惟設渡船木橋則冬營夏拆

唐河橋在祁州有五一州南明光店一州南南流村  
一州南王買村一州西枕里村一州西鄭莊村

張村橋在祁州之張村南跨小清河上甃石長五丈

五尺廣一丈二尺高六尺康熙五十三年重修

南漲村橋在邳州之南張村跨小清河上甃石長七丈一尺廣一丈三尺高一丈一尺明正德中建

永新橋在邳州之鄭章村跨小清河上甃石長三丈八尺寬一丈高一丈建置無考

邳州唐河渡有三一在州南王買村一在州南南流村一在州東南明光店皆民舟義渡

豬龍河渡在邳州有三一州南軍說村一州南三岔

口一州東劉羅村皆民舟義渡

安瀾橋舊名布里橋在高陽縣東南二十里跨豬龍河上架木長二十五丈寬一丈七尺高二丈一尺乾隆十五年甬修

劉家渡在高陽縣東舊城村卽劉家溝放水口  
車道口渡在高陽縣東北孟仲峯村民舟義渡

滄州縣唐河橋有六西關橋在西關外北關橋在北關外劉家莊橋在北關橋東北五十里丁家坊橋在

劉家莊橋北三里雙塔橋在丁家坊橋北三里半截  
河橋在丁家坊橋北十里皆木橋跨古唐河上明時

建

自此以下  
皆屬故道

河間縣洋河橋有五南八里橋在縣南八里北去龍

泉小橋二十里沈家村橋在南八里橋東八里青陵

橋

一名百姓橋一  
名東八里橋

在沈家村橋北三里南東橋在東

八里橋北八里徐見口橋在南冬橋北十里皆木橋

跨洋河上自徐見口而下塘河合流其橋屬古唐河

已見  
前

方輿紀要青陵橋在河間府東門外滹沱滄水諸  
川交流並注於城東北橋爲之鎖鑰其後橋壞夏  
秋水發輒有漲溢之患嘉靖間於縣南開蘇家徐  
家二口分殺水勢萬曆十八年復修此橋連亘凡  
六里 明樊深青陵橋記畧河間縣城之東舊有  
青陵橋蓋昔澗河之水自西南而注沙河之水自  
東南而注胥經其下此橋足以束其淦流不至爲

田廬害迨橋圯而隆慶戊辰洪波直抵城下遂開  
絳徐二口分殺水勢城郭幸無虞而東南極望水  
無涸時於是前令夏公修城南橋城東尙闕焉已  
而連城趙公令河間爰鳩工飭材創爲橋梁連亘  
六里許壘土爲道高厚可以障水自萬曆十八年  
二月初始以是年六月訖工

小石橋在河間縣西北五十里架水跨白龍河上

任邱縣唐河橋有六張家橋在半截河橋北十二里

麻家務橋在張家橋東北二十里金家橋在麻家務

橋東北十五里東莊橋在金家橋北五里一統志東莊橋在任

邱縣東三十里滏水上長十有八丈縣南境之水俱由此達五官淀任邱縣志長十八丈濶三丈高四

丈上接羣流下達諸淀陵城橋在東莊橋西北十里萬壽橋在

陵城橋北十五里皆木橋跨古專河上明時建

雙關河橋在任邱縣北四十里架木跨趙王河上

肅寧縣洋河橋有二龍泉大橋在縣東南四十里龍

泉小橋在大橋東北五里皆木橋跨洋河上明建



中堡村橋在肅寧縣東三十里架木跨中堡河上  
子家村橋在肅寧縣東南十里架木跨白龍河上

洪濟橋在高陽縣東南三里架木跨馬家河上長十  
七丈八尺明建

一統志洪濟橋明景泰中建名曰馬家橋正德中  
移建於橋西一里許更名通濟嘉靖中遷此改今  
名

祠廟

唐河神廟在唐縣西南二十五里之風山麓明萬歷間知縣楊一桂開廣利渠因建神祠後廢

本朝乾隆十年重建

高宗純皇帝賜額曰靈源協順廟東十武卽廣利間也

水利

完縣稻田在神南神北二村神南村在縣治西北五十八里神北村在縣西北七十二里皆爲唐河所逕民間多種秔稻水淤則種禾麥水盛被刷復開稻田其利常倍他處今完縣產稻米蓋出自村云

唐縣營田在縣西北明伏莊大洋村西雹水村雍正五年營稻田皆資唐河

畿輔通志明伏莊大洋村溫家莊等處營田引唐

河之水仍洩水于本河前金尹劉弁明令楊一桂  
俱開渠溉田民資其利歲久廢弛今相度地勢疎  
渠設閘俾山麓平原高下承接遞相灌輸數十里  
町畦相望雍正五年營治稻田共七十頃三十五  
畝七分五毫農民自營稻田共一十一頃三十三  
畝五分五釐九年改旱田四十八頃八十一畝七  
分五釐

望都縣水堰在望都縣南十五里明永樂中築開渠

植稻以均灌溉崇禎中邑令段緯以石易土穴孔而塞之堰下用水則啟堰上用水則塞其後堰毀復設於村西終不若舊堰之利今廢

定州營田在州治東唐家莊吳家莊曹家莊諸莊雍正五年營稻田六年復營田皆資小清河馬跑泉皆入唐河水

畿輔通志雍正五年吳家莊等處營治稻田共二十五頃八十八畝農民自營稻田共一頃三十四

畝六年唐家庄曹家庄等處營治稻田共二十二  
頃三十六畝五分農民自營稻田共二十二頃八  
十八畝八分

謹案宋史宦者傳閻承翰爲鎮定高陽關三路排  
陣都鈐轄時中山屯兵甚衆艱於飛輓承翰請鑿  
渠計引唐河水自嘉山至定州三十二里又至蒲  
陰東六十二里合沙河逕邊河泊入界河以濟饋  
運亦可旁爲方田上嘉而從之人以爲便此卽後

人所謂趙王河者也今水道皆已湮塞不可考

廣利渠金泰和六年唐縣尹劉弁之開

縣志弁之字正夫有政績

祀名

在唐縣西南三十里先是符城

在縣西四十里唐河西岸劉

琛欲開渠引唐河之水灌縣田累議不果弁至乃率吏民開渠風山下引唐河灌田數千畝又導而東以溉完縣諸田其後河決下素村符城以東潰爲沙川弁渠無復遺跡惟下素村南遺壻尙存至明萬曆三十七年知縣楊一桂濬渠引唐河溉田一千餘畝明

年復大開濬自西窻水村之西

在縣西三十里渠北第一村也

古木

廠之南

在縣西三十三里唐河東岸有木廠山

引唐河東注建閘於古

木廠以時蓄洩又於窻水村駕木爲槽以過水號爲

騰橋凡濬渠七十里厯唐縣三十五村完縣三村名

廣利渠分閘渠三十有五溉田二百餘頃自完縣常

豐村入放水河合流入曲逆河立河伯神祠祀之並

列二十五閘開放時刻畝數勒碑爲記

本朝康熙中居民漸次修濬雍正五年怡賢親王暨大



學士朱軾奉

命修畿輔水利營田復渠舊乾隆九年奉

旨興舉直隸水利尙書兼管河道總督高斌議請展廣利渠  
導唐完之水通入保定郡城府河東流一百二十里  
導滿城方順橋北之白草溝河爲其尾流又濬橋南  
之金線河爲其分支各建一閘北曰通會南曰金線  
復修廣利渠口石閘各視水勢以時啟閉又於渠身  
兩岸每渠五里設一涵洞共二十有四聽民濬溝引

渠分八均溉是爲初次水利工程十一年又請唐完  
滿三縣涵洞不拘五里聽村民自爲增設又建木石  
橋大小三十有五以濟行旅又開減河以資分洩

在方

順橋之上通會  
橋西二里許

又增高通會閘三尺以防漲溢是爲

二次水利工程其制大備至今利賴焉其水自唐縣

西四十里之大洋店由唐縣分支東流五里逕木廠  
山建大閘於渠中又東流五里逕高和村又東流三  
十里逕唐縣城南又東北流二十里逕蓮花村入完

縣西南境又東北十五里逕常豐村放水河自唐縣  
東北東南流來滙祁水河自完縣而北東南流來滙  
又東流二十里逕完縣城南又東流稍南十里入滿  
城縣西南境逕子城村蒲河自完縣北南流來滙又  
東流五里逕屯頭村入滿城縣南境分爲三支是各  
三岔口以下爲方順河凡入渠之水在唐縣者曰山  
水溝在唐縣凡二十三道皆在廣利渠北悉乾沙溝  
也大雨時行則縣北諸山之分疏各溝曰放水任

完縣者曰五雲泉莊頭水流九水祁水蒲水魚水詳

見府

河

廣利渠涵洞放水時刻西北羅第一閘

自澆本村朱家莊東

北羅上秦岡北四莊共地六頃八十三畝初一日卯開初十日寅閉十六日卯開二十五日寅閉

東北羅第二閘

自澆本村西高和二莊共地一頃三十一畝初一日卯開初二日巳

閉十六日卯開十七日巳閉

東北羅第三閘

自澆本村地二頃四十六畝初一日

卯開初三日寅閉十六日卯開十八日寅閉

東北羅第四閘

自澆本村一頃六十

畝初二日午開初三日巳閉十七日午開十八日巳閉

西高河第五閘

自澆本村

一項五十二畝初三日卯開初四日巳開西高河第六開

自澆木村地二頃一十二畝初三日午開初四日辰開十八日午開二十日辰開西高河

第七開自澆木村地一頃六十八畝初四日午開初五日亥開十九日午開二十日亥開

西高河第八開自澆木村地一頃一十畝初五日巳開初六日巳開二十日巳開二

十一日巳開東高河第九開自澆木村葛堡二莊共地一頃二畝初六日午開木

日亥開二十一日日葛堡第十開自澆木村西都二莊共地三頃五

十七畝力澆醴泉地三十畝共地三頃八十七畝初六日午開初十日酉開二十一日午開二十五

日葛堡第十一開自澆木村西都二莊共地二頃一十八畝力澆醴泉自塔

地二頃七十一畝共地四頃八十九畝初七日子  
開十一日丑開二十二日子開二十六日亥開

西都亭第十二開

自澆本村東都亭二莊共地二  
頃二十五畝初十日卯開十二

日寅閉二十五日卯  
開二十七日寅閉

東都亭第十三開

自澆本村  
白塔二莊

共地五頃一十八畝初十日戌開十五日酉開  
二十五日戌開三十日酉閉小月前挨一日南

壇第十四開

自澆本村北野洋南野洋野流四莊  
共地五頃七十二畝十二日卯開

六日寅閉二十七日卯開初  
一日寅閉小月前挨一日

南關第十五開

自澆  
本關

南墾野流張盆四莊共地六頃五十四畝十一日  
寅開十五日寅閉二十六日寅開三十日寅閉小

月前挨南關第十六開

自澆本關張盆三莊共地  
三頃三十一畝初一日寅

開初四日丑開十六日寅開十九日丑開  
東關第十七開  
自澆本關董家圈馬家莊

薛家莊徐家莊共地十一頃四十七畝  
初一日寅開初四日丑開十六日寅開十九日丑開  
東

關第十八開  
自澆本關地一頃十九日丑開  
東關第十九

開  
自澆本關地一頃三十二畝初四日寅開  
房莊

第二十開  
自澆本莊淑閣共地七頃七十二畝初五日寅開  
十四日丑開二十日寅開二

廿九日  
賈莊第三十一開  
自澆本莊地二頃二十四畝初五日寅開  
初七

日丑開二十日寅開  
南高昌第二十二開  
自澆本莊地四頃八

十一畝初七日寅開十一日午開  
二十二日寅開二十六日午開  
東高昌第二十

二閘

自澆本莊地三頃一十六畝十一日未開十四日申開二十六日未開二十九日申開

東高昌第二十四閘

自澆本村地六頃五十七畝十四日寅開二十二日寅開

二十九日寅開  
初八日寅開

東關第二十五閘

自澆本村地二頃二十六畝木

閘常開

明唐縣知縣楊一桂廣利渠記畧唐河水

利自萬歷二十九年十月遍歷境內唐河二百里

查估得分導唐河應用石堤百餘丈各匠工價並

石灰價銀一百餘兩其修隄約用雜作夫役五千

名城子村地勢高者一千三百步約用鑿渠夫役



一萬餘名共用夫萬五千名每名議給米二升總計約用米三百餘石估計已定於萬歷三十年二月十三日祭河破土七十里水利可興此渠經過本境入完縣曲逆河卽完民亦有賴焉再加開廣從滿城縣方順橋西不放水之東南挽令之東北經大道接保定府河可直達天津足備一時兵荒轉輸之用此其便大而功亦不勞隨詣唐河東岸古木廠處乘其上游因勢分導視河之底游沙溜

徒投石忽沒安隄不固乃布以木丁疊石其上遂  
爲隄六十丈中流水深功力難施乃插木爲攔網  
以柳梢填之水中築壩三十丈於隄之內又建閘  
丈許以時閉洩轉而東流南窺水村水溝橫來溝  
下於渠三尺許因之則渠水跌落不能東行填之  
則壅阻客水淹害村田乃以木爲橋使河水騰於  
上山水穿其下上下並行而不相害橋欄爲閘可  
以啟閉啓則水洩注溝復入於河過此爲城子村

疏岡千餘步用夫萬計借米三百餘石過此以往  
直至完縣常豐河計七十里皆因古道疏之不復  
勞費而渠成矣自本年四月水已流通但河中之  
壩皆土騰橋止三丈又至九月農功既畢接埋前  
功爲石間一丈七尺石隄一十七丈隄已半入中  
流湍急無所措手延至於冬河水已堅做沉船意  
堆土水上者十丈許其形如圈迨今年春冰消土  
落中流壩定乃以手車十餘輛掣圈中水於外督

催匠役併力園內鋪石基十餘丈砌臺九座於上  
分爲十間每間丈許九間已定水盡歸間蓄洩冬  
寡惟吾所主矣乃重修騰橋加長五丈加寬一丈  
五尺卽秋水暴漲無害也總計施功濬導河渠七  
十里經歷村落三十八分折開渠二十五灌田地  
一百九十餘頃沿河植柳一萬二千九百餘株用  
米五百餘石物料功價錢七萬二千文其椿木地  
釘荆圃荆筐數且不貲是役也工屬乍刺事無前

武水勢無常呼吸變易小民難與慮始吏胥難與  
務實經營拮据惟某一身七十里水平無一步不  
由推算一百丈隄間無一石不經措置五丈騰橋  
無一機不由安排數萬夫役無一時不由調度艱  
票簿冊無一字不屬硃批工事方殷咯血者六日  
暴露風日之中奔馳星月之下食飲通路塵埃之  
間先後共事惟前任典史王仰今典史張大綱常  
見二官面目黧黑經年不改勞瘁可知今已告成

民不徒勞財不枉費但成之甚難敗之亦易溜沙  
難堅秋水時泛百丈之隄蟻穴可潰苟無後慮前  
功盡隳今列議六條用垂碣石異日者遵而行之  
罔墜厥緒則七十里水利將爲唐民百世之永賴  
焉 六議立河神廟祠設水手獎勤勞修善政禁  
竊奪救凶荒 渠有六廢河身漸下不治渠口淤  
高不疏騰橋衝斷不修城子渠塌不挑山水衝決  
不補竊水不禁 又廣利渠騰橋記畧余導河自

古木廠南趨二百步轉而東又二千步至南甕水  
村有客水溝左來直穿渠爲村民患乃建木騰橋  
橋之制縱三行橫九行其間相去各七尺許柱下  
有石石下有木丁梁橫數與縱柱同板從各七節  
節片不等厚各四寸板之合一口一舌相次而銜  
左右欄水九節節板各三可以啟閉如闢有闕鍵  
可鎖鑰而守共計橋長五丈寬一丈五尺板高二  
尺五寸柱尚出板有餘欄之板可以增高令

兩缺  
二字

增者計城子之渠未廣高和都亭東關房莊之缺

二字薄未能容多水故不敢高其欄欲水多便於旁

溢耳異日者每歲春冬農隙渠可漸開橋可則加

寬欄可加高渠廣之後自南甯水而東至西高和

可下濬四五尺既濬則騰橋可去而渠河因溝始

大定也爲目前計騰橋如渠之咽喉然惟有不時

察修而已其他別有奇巧長久之計則非余寡昧

所能及也 乾隆十年初次水利工程奏議書唐



河舊有廣利渠引水灌田年久湮廢康熙二十四年居民開通渠四十餘里乾隆八九兩年續開八里電水等十餘村田畝咸資灌溉至二十餘里之下渠形斷續東接完縣之祁河曲逆河蒲河長八十餘里均可相通蒲河接滿城之方順橋以下分南北二支南爲金線河長九十餘里距保定城東二十餘里至梁河橋之西入於府河北爲白草溝河長四十四里至保定城西南隅入於府河東六

定五里一座今酌估每座需物料銀四十五兩零  
村民自願工作毋庸估工價俟建過若干座另造  
料價細冊請銷

勢自三四尺至七八尺不等再唐河渠口舊閘已  
圯今擇新河隄岸高處另建大石閘一座遇水漲  
盛下板鍵閉俾全勢悉由正河南下不入新河以  
免疎虞 乾隆十一年二次水利工程議奏畧查  
廣利渠展寬為河南岸居民引灌唐河之水於善  
後事宜案內酌議每五里建涵洞一座業經督臣  
委員查辦今唐縣居民籲請多建臣等詳加酌議  
涵洞引水大利農田自應相度地勢建設不必拘

十餘里爲安州之依城河由新河縣城南歸入西淀計自唐河口至保定府河共一百七十餘里自府河至新安城南共八十餘里地勢自西而東舊跡相承而下均開寬自三丈至五丈不等因渠之舊名爲廣利河其金線寬深與白草溝相等保定府河安州依城河直至新安城南均就舊河身內開寬自五六丈至七八丈不等保定之護城河亦展寬三丈以通水道其上下游河身深淺酌看拙